



SULEQATIGIISITSISUT
SAMARBEJDSPARTIET

EM 2018/146
Tillie Martinussen
18. oktober 2018

(Inatsisartunut ilaasortaq Sofia Geisler, Inuit Ataqtigiit)

**Meeqqat atuarfianni pisortatut atorfeqartut pisortatut ilinniarsimanissaannik
piumasaqaateqalernissap pitsaaqutai pitsaanngequtaalu pillugit qulaajaasumik
Naalakkersuisut UKA2019-imut nassuiaammik saqqummiussinissamik
peqquneqarnissaannik Inatsisartut aalajangiiffigisassaattut siunnersuut.**

(Tillie Martinussen, Inatsisartuni ilaasortaq, Suleqatigiissitsisut)

Una siunnersuut Kalaallit Nunaanni Sulisitsisut Peqatigiiffiannit, IMAK-imit Ilinniartitsisut kattuffiannit tapersorsorneqarsimassaqqooqaat tusarniaassutigineqarsimasuuguni.

Pineqartormi ilinniartitaanerup atuarfiillu pitsanngorsarnissaannut kissaatit aqqaneq-marluusut arfineq-aappaattut saqqummiunneqarpoq qineqqusaanerup nalaani.

Taamaattumik siunnersuut manna tapersorsorluarneqariaannaavoq tigulluarneqaruni uangullu Suleqatigiissitsisuni neriuppugut sapinngisamik amerlanerpaat suleqatigiissutigiumaaraat, amerlanerussuteqartuinnaat aalajangiitinnagit, isumaqarluarmat.

Atuarfinni aqutsisut sumiluunniit nunatsinniittut tamarmik pisortatut ilinniarsimasuunngillat aamma pisortatut ilinniarnissaq sakkussatsialaavoq nammineq inuttut piginnaasat paasisimalernissaannut. Taamaasilluni aqutsisunut sulisunullu sakkuulluarsinnaavoq, pisariillisaanissamut isumassarsianik nassaarnissamut periarfissiisusaaq, aqutsisut nassaarsiullaqqinnerusut aamma ataatsimoorluni oqariartuuteqartarnissaq nunatsinni tamarmi atuarfinni suliaasarujussuit ersittut assuarissatillugit.

Sullivinni immikkut taaneqartuni aqutsineq allarluinnaavoq tunngaviusumik piginnaasanut naleqqiullugu aamma pisinnaatitaaffiliinertalimmut ilinniarsimanngikkaanni - taava aqutsinermut pikkorissarnerit aqutsisumut namminermut iluaqusiilluarsinnaapput.

Aamma isumaqarpugut avatangiisit iluaquserneqassasut taamatullu atuarfiit. Apeqqutaasinnaavorli ilinniakkat suut aqutsinermut ilinniarsimanermut imaqarnersut aamma taamatut ilinniarnermut suut naapertuunnerpaanersut atuarfimmik ingerlatsinerup peqataanik. Pikkorissarnerit sivikinnerit aamma angusassamik toraagaqarluni pikkorissarnerit sivikitsut siunnersuummi taaneqartutut pisortamut ilinniarnertut pitsaatigisinnaapput.

Oqaatigineqartutut anersarineqarpoq aqqissuussamik perorsaanikkut aqutsinerup atorineqarsinnaanissaa peqataanillu allaffissornermik ingerlatsisinnaanissaq - imaluunniit sulianik taamaattumik allanut suliakkiisinnaanissaq.



SULEQATIGIISITSISUT
SAMARBEJDSPARTIET

Aamma isumaqarpugut piunasaqaataasariaqartoq nunatsinni pisinnaatitaaffiliinertalinnut ineriartortitsisartut aamma ilinniakkat salliutillugit atorneqartassasut taamaattumik ataatsimiititaliami tamanna oqallisigisariaqarpoq matuma siunnersuutip pitsaaqisup suli pitsaanerulernissaa.

Naggataatigut oqaatigissavarput Naalakkersuisunut iluaqutaagaatsiassagaluartoq misissorneqartuuppat pineqartoq pisortatigoortumik ilinniarnermut ilanngunneqarsinnaannginnersoq, taamaasilluni siunissami pitsanngorsaanerit taama akulikitsigisumik pisariaarullugit.

Ataatsimiititaliap siunnersuut oqallisiginnaavaa oqallisigereerunillu inassuteqarluni.

Taamaasilluta siunnersuutip akuerineqarnissaa inassutigaarput, ataatsimiititaliakkooqqaassarli qulaani pineqartut oqallisigineqartariaqarmata.

Qujanaq oqaaseqarsinnaagama.